

Tamerlanes



Tamerlanes magnus tartarorum seu parthorum rex. incredibilis potentie vir. hoc etiam anno. 1402. vita excessit. Qui primū (ut aiunt) genere parthus humili loco natus. gregorius miles. adeo inter suos corporis agilitate excelluit. ut breui multarum gentium dux fieret. quibus parthorum imperio potitus scythas. hyberos. albanos. persas. medosque sibi subegit. mesopotamiam inuasit atque armeniam. trans eoque euphrate cum quadringentis milibus equitum. sexcentis milibus peditum. omnem asiam quam miorem appellamus obtinuit. Regem omnium potentissimum pazaitem thurcorum dominum cum pari equitum numero et magnis peditum copiis fines suos tutatē. apud armenios primo superatum ducentis milibus hominum interfectis viuum cepit. caueaque in montem fere inclisum. per omnem asiam circumtulit egregium admirandum humanarum rerum spectaculum. Castra eius in urbis modum ordinata fuere. statuto cuique arti loco ad vite usus necessaria. summa semper rerum copia inueniebatur. cum nullus esset latrocinii locus. Inde a thanaï flumine usque ad egiptum uniuersam asiam percurrentes. smyrnas

antiochia. sebastē. tripolim. damascum. multasque validissimas urbes vi cepit. diripuit atque incendit. Soldanum egiptiorum principem bello superatum ultra pelusium repulit. egiptum ingredi parantē. vaste solitudines et desertata loca auerterunt virum bellicis artibus insignem. Damasco capta cum arcis antique expugnatio difficilior videretur. Constructa e regione altera quam antiqua altitudine superaret vi cepit. Capha urbs genuensium tunc colonia in thaurico cheronesso. non procul a bosphoro cymerico existit. hac cum tamerlanes inuadere statuisset. Scythas negotiatores permisit. qui preciosissimas animalium pelles minori quam consueverunt pretio vendiderunt. Sciens aurum abscondi posse. pelles subfodi non posse. Adorque bello indicto admotis urbi machinis expugnata vi atque armis ciuitate. Et auro et pellibus positus est. In obsidionibus urbium prima die albo tentorio utebatur secunda rubeo. tertia nigro. qui sese dabat in albo sedenti salutem consequantem. rubeus color moriendum indicabat. niger ciuitatis excidium. et omnia in cinerem conuertenda. Fama est populos cuiusdam ciuitatis qui prima die deditonem neglexisset. pueros puellasque omnes in candida veste ramos oliue per se ferentes exiisse ut principis iram placaret illi omnes ab equitatu coculcari atque coteri iussit. et urbem captam incendi. Interrogatus ab homine genuensi qui ei familiaris erat. cur tanta crudelitate uteretur. Comotum distorta facie ac spirantibus igne oculis respondisse. Tu me hominem esse arbitraris falleris. Ira dei ego sum et orbis vastitas. caueto ne post hac mihi occurras. Ferebant qui Tamerlanem viderunt eum hanibali similem. Deletis regibus vastatis pluribus puincis onustum de victarum gentium spoliis exercitum in patriam reduxit. Et ciuitatem marchantem condidit et hostium spoliis exornauit. Vita functus duos filios reliquit regni successores. qui discordia laborantes effecerunt ne parthorum imperium rursus posset emergere.

Paulus venetus

Paulus venetus eremitarum diuini Augustini. Et ipse theologorum et philosophorum princeps. Nec non et disputator acerrimus. Hoc ipso tempore in uniuersa italia nominatissimus habitus est. eo quod cunctos dialecticos philosophos. ac sue etatis theologos sine controversia superauerit. ac etiam tanquam alter apollo post se futuros philosophos sue sapientie lacte nutruerit. qui nisi matura morte preuentus fuisset. omnes antecessores suo ingenio suisque scriptis superasset. Atque in iuuetute super libros Aristotelem. commentaria scripsit. Et summam in philosophia. logicam breuem. Summulam de naturalibus. atque contra cecitatem iudeorum tractatum edidit. Sermones multos ad clerum. Tandem iuuenis satis moriens in sacristia sui ordinis sepulcro marmoreo sepelitur.

Bartholomeus de urbino ipsius eremitarum ordinis diligentissimus doctor. et urbinatus episcopus hoc ipso tempore clarus effulsit. Qui et si multa ediderit in primis augustini atque ambrosii singula dicta in alphabetum redegit. Et opus ad dilectum quoniam cum vocabulo appellauit. Aliud quoque de spirituali bello.

Iordanus item alemanus eruditus theologus ob ipsius doctrinam et multarum antiquitatum indagatorem magno in precio fuit. Qui inter cetera pulchrum quadragesimale edidit. Apocalipsimque pulcre explanauit.

Iacobus quoque ordinis heremitarum theologus natione toletanus hisdem temporibus floruit. Et uniuersas ferme scripturas sacram coplanauit. et Sophologium composuit precellentissimum ad diuinam sapientiam perquirendam suaserum. Quod quidem volumen quanti facendum sit multis epigrammatibus declaratur.

Verona clarissima ac vetustissima italie ciuitas. anno. 1405. sexto kalendas iulias (a carrariensibus occupata et pessundata) in venetorum manibus concedente iohanne maria vicecomite mediolani duce. per franciscum ganzagam. et iacobum ferme. et paulum seuellum patricium romanum deuenit. Et nunc usque cum magno augmento ipsius permansit.

Pse item potentissima ac superbissima eturie ciuitas florentini populi emula. hoc anno durissima obsidione et acerrimo bello comita in ipsius populi florentini ditionem potestatemque deuenit. Impetu enim facto florentinos urbe eiecere. et ipsam in libertatem reducere. Florentini ignominiam non ferentes. bellum pisani intulerunt implacabile. Et comitatibus undique interclusis urbem acerrime obsiderunt. quam post aliquot menses fama crudelissima laborantem. prodente eam iohanne gambacurta ingum ab integro suscipere coegerunt.

